

**Naalakkersuisut nuna tamakkerlugu puigortunngortunik ataqatigiissaarisussamik pilersitsinissaannut suliniummik misissuinissaanik peqquneqarnissaannik Inatsisartut aalajangigaassaattut siunnersuut. Misissuinerup inerneru UPA2024-mi saqqummiunneqassaaq.
(Inatsisartunut ilaasortaq Paneeraq Olsen, Naleraq)**

pillugu

Ilaqutariinnermut Peqqissutsimullu Ataatsimiititaliap

siunnersuutip aappassaaneerpeqarnerannut

ISUMALIUTISSIISSUTAA

Ataatsimiititaliap suliarinninnermini uku ilaasortarai:

Inatsisartunut ilaasortaq Mala Høy Kúko, Siumut, siulittaasoq
Inatsisartunut ilaasortaq Bjørk L. Kristensen, Demokraatit, siulittaasup tullia
Inatsisartunut ilaasortaq Hans Peter Poulsen, Siumut
Inatsisartunut ilaasortaq Mikivuk Thomassen, Inuit Ataqtigiiit
Inatsisartunut ilaasortaq Eqaluk Høegh, Inuit Ataqtigiiit
Inatsisartunut ilaasortaq Najaaraq Møller, Siumut
Inatsisartunut ilaasortaq Paneeraq Olsen, Naleraq

UPA2023-imi 11. maj 2023-imi siullermeerinerup kingorna siunnersuut ataatsimiititaliap misissorpaa.

1. Siunnersuutip imarisaa siunertaalu

Nuna tamakkerlugu puigortunngortunik ataqatigiissaarisussamik pilersitsinissamut misissuinissamik Naalakkersuisut peqquneqarnissaannik Inatsisartut aalajangigassaattut siunnersuummi matumani siunertarineqarpoq, tamatumanilu misissuinerup inerneru UPA2024-imi Inatsisartunut saqqummiunneqassapput.

2. Siunnersuutit Inatsisartunit siullermeerneqarnera

Siunnersuutip imarisaa partiinit tapersersorluarneqarpoq, kisiannili utoqqarnut periusissiamut atatillugu puigortunngortunut ataqatigiissaarisumik pilersitsinissamut eqqarsaatersortoqareenera tunngavilersuutigalugu siunnersuutip itigartitsissutigineqarnissaa Naalakkersuisunit inassutigineqarluni. Siunnersuut peqqissaartumik suliarineqartussanngorlugu ataatsimiititaliamut innersuussutigineqarpoq.

3. Siunnersuutip aningaasatigut kingunerisassai

Inatsisartut suleriaasianni § 33, imm. 1-imi allassimavoq aalajangiiffigisassatut siunnersuutip piviusunngortinneqarnissaanut aningaasaqarnikkut allaffissornikkullu kingunerisassat siunnersuummi tunngavilersuutitut allaaserineqassasut. Siunnersuutip piviusunngortinneqarnissaanut AC-fuldmægtigip ukiumut aningaasarsiaanik 500.000 kr.-inik naleqassasoq siunnersuuteqartup naatsorsuutigaa. Ataatsimiititaliaq tassunga oqaaseqaatissaqanngilaq.

4. Siunersiuineq

Ataatsimiititaliap siunnersuummik suliaqarnerminut atatillugu Isumaginninnermut, Suliffeqarnermut Nunamullu Namminermut Naalakkersuisoq siunersiorpaa. Siunersiuinissamut aggersaassutip assilineri Naalakkersuisullu oqaatigisaasa allattorsimaffiata assilineri isumaliutissiissummut matumunnga **ilanngussaq 1-itut** ilanngunneqarput.

5. Sassartitsineq

Ataatsimiititaliap suliaqarnerminut atatillugu Utoqqaat Oqaaseqartartuat sassartinneqarpoq.

6. Ataatsimiititaliap siunnersuummik suliarinninnera

Nuna tamakkerlugu puigortunngortunut ataqatigiissaarisooqalernissaanik pisariaqartitsisoqartooq ataatsimiititaliaq ersarissumik naliliillunilu isumaqarpoq. Innuttaasoq puigortunngortoq ulluinnarni tapersersorteqarnermik, siunnersuineramik, ilitsersuineramik ikiorneqarnissamillu annertuumik pisariaqartitsisarpoq, puigortunngortut ilaqutaasullu annertoorujussuarmik eqqorneqartarlutik. Tamatuma saniatigut nuna tamakkerlugu puigortunngortunut ataqatigiissaarisooqarneq ikiuinissamut aammalu peqqinnissaqarfimmi kommuninilu suliniutinik ataqatigiissaarisooqarnissaanut qulakkeerineqataassasoq ataatsimiititaliaq naliliivoq. Puigortunngortunut ataqatigiissaarisup naleqquttumik ilinniagaqarluni suliamut atatillugu ilinniakkatigut ineriartortitsineq utoqqaat illuinik angerlarsimaffinnilu paaqqutarinniffiusunut puigortunngortut assigiinngiaartut pillugit kiisalu inuit ataasiakkaat paaqqutarineqarnissaannut isumassorneqarnissaannullu tunniussaqaarsinnaassaaq. Taamaattumik siunnersuummi suliniutigineqartoq siunissaq eqqarsaatigalugu soqutiginarluinnartutut utoqqaallu pisariaqartitsisut amerliartuinnartut paaqqutarineqarnissaannut isumassorneqarnissaannullu qulakkeerisuusoq ataatsimiititaliaq isumaqarpoq.

6.1 Puigortunngortut ilaqutaasalu paaqqutarineqarnerat isumassorneqarnerallu

Utoqqaat Oqaaseqartartuata ataatsimiititaliamut saqqummiussineratigut puigortunngortut ilaqutaasalu ulluinnarni ajornartorsiutigisartagaat pillugit ataatsimiititaliaq paasissutissinneqarpoq. Nunatsinni tamani paaqqutarineqarnissamik, ikorfartorneqarnissamik ikiorserneqarnissamillu annertuumik pisariaqartitsisoqarpoq, kommunimiillu kommunimut suliniutit assigiinneq ajorlutik. Kommunini ataasiakkaani kommunimut tamarmut puigortunngortunut ataatsimik ataqatigiissaarisumik atorfeqartitsisoqarput. Ataqatigiissaarisooqarnissaa, ilisimasanik avitseqateqateqartarnissaq sulisullu

puigortunngortunik ilaqutaannillu suliaqartut tamarmik najoqqutassiuunneqarnissaat pisariaqartinneqarlunnartoq ataatsimiititaliamit paasineqarpoq.

Siunissami suliniutigineqartussat pilersarusiorlugit aallartinneqareersut siunersuinermi Naalakkersuisup oqaatigaa. Puigortunngortut eqqumaffigineqarnerat annertusineqartariaqartoq aammalu illoqarfinni nunalu tamakkerlugu suliniutit sulisullu attuumassuteqartut suleqatigineqarnerat annertusarneqarnissaat pisariaqartoq Naalakkersuisut Utoqqaat pillugit Periusissiaanni takuneqarsinnaavoq. Kommunit peqqinnissaqarfiullu oqaloqatigineqarnerisa aallartinneqarnissaa pilersaarutaavoq. Taamaalilluni siunnersuummik siullermeerinninnermi innuttaasunut sammititamik suliniutinik puigortunngortullu pillugit paasisitsiniaasoqarnissaa Naalakkersuisunit pilersaarutigineqarpoq.

Puigortunngortunut tunngatillugu Utoqqaat illuini ataasiakkaani nukittorsaasoqarnissaa pisariaqarsinnaasoq, assersuutigalugu inatsit isumaginninnermut tunngasuni pissaanermik atuisinnaaneq pillugu Inatsisartut inatsisaata eqqumaffigineqarnerunissaa Naalakkersuisunit immikkut eqqumaffigineqarpoq, tamannalu ataatsimiititaliamit isumaqatigineqarpoq. Taamaattumik kommunini immikkoortortaqarfinni allani suliamut tunngatillugu pikkorissaasoqarnissaata eqqarsaatersuutigineqarnissaa Naalakkersuisunit ajornasaarfigineqanngilaq. Puigortunngortunut ilaqutaasunullu suliniutit annertusineqarnissaannut anguniarneqartut kivinneqassappata pikkorissaanissaq ilinniarsimasullu amerlanerusut pisariaqartinneqarnerat annertoorujussuusoq ataatsimiititaliamit paasineqarpoq. Kommunit tamarmik puigortunngortunut ataqatigiissaarisumik suli atorfeqartitsinngimmata atorfimmik pingaarutilimmik inissimasumik pilersitsisoqarsinnaanera misissorneqartariaqartoq siunnersuutigineqartumi matumani tunngaviulluinnarpoq.

Ataatsimiititaliap inassuteqaatai

- Ataatsimiititaliami amerlanerussuteqartut Siumut Demokraatillu siunnersuutip itigartitsissutigineqarnissaa inassutigaat

Taamatut oqaaseqarluni isumaliutissiisummilu allassimasutut paasinnilluni matumuuna siunnersuut ataatsimiititaliap aappasaaniigassanngortippaa.

Mala Høy Kúko
Siulittaasoq

Bjørk L. Kristensen
Siulittaasup tullia

Hans Peter Poulsen

Najaaraq Møller

Mikivsuk Thomassen

Egaluk Høegh

Paneeraq Olsen



INATSISARTUT

Isumaginninnermut, Suliffeqarnermut,
Nunamullu Namminermut Naalakkersuisoq

isn@nanog.gl

Ulloq: 16-05-2023

J.nr.: 01.38.01.04-00042

Sisamangornermi ulloq 25. maj 2023, nal. 10-miit 11-mut ataatsimiittarfik Lars Chemnitzimi Ilaqtariinnermut Peqqissutsimullu Ataatsimiititaliap siunersiuinissaanut aggeqqusissut

Isumaginninnermut, Suliffeqarnermut, Nunamullu Namminermut Naalakkersuisoq siunersiuinissamat Ilaqtariinnermut Peqqissutsimullu Ataatsimiititaliamit matumuuna aggersarneqarpoq. Siunersiuinermi ataani allassimasut oqaluuserineqarnissaat ataatsimiititaliap kissaatigaa:

1. Ilinniagalinnut ilaqutaasunullu sammititamik puigortunngortut pillugit paasisitsiniaasoqassasoq Naalakkersuisut Utoqqaat pillugit Periusissiaata piviusunngortinneqarnissaanut tunngatillugu suliami allassimavoq. Naalakkersuisut paasisitsiniaanerinnarmik suliaqarniarpat? Innuttaasunut sammisunik suliniuteqartoqarnissaa eqqarsaatigineqarpa, assersuutigalugu tigussaasumik oqaloqatigiinnernut, siunnersiuinissamat neqerooruteqarnissamat, oqaloqatiginninnissamat neqerooruteqarnissamat assigisaannilluunniit?
2. Aamma allassimavoq, piviusunngortitsinerup ingerlanneqarnerata aappaani utoqqaat illuini sulisut ilinniartinneqassasut inunnillu puigortunngortunik paaqqutarinninnissamat ilinniakkatigut qaffassaasoqassasoq. Sulisunut allanut assersuutigalugu kommunit utoqqarnut immikkoortorta qarfiini sulisunut, angerlarsimaffinni ikiortinut ilaqutaasunullu tunngatillugu Naalakkersuisut eqqarsaatersuuteqarpat, tigussaasunik pilersaaruteqartoqarpa imaluunniit paasisitsiniaaneq kisiat taakkununga Naalakkersuisut pilersaarutigaat?
3. Utoqqaat pillugit periusissiami suliniutit assigiinngitsut pineqartut kimit ataqatigiissaarneqassappat?
4. Nuna tamakkerlugu aamma/ imaluunniit sumiiffinni puigortunngortunut ataqatigiissaarisunik atorfinnik pilersitsinissamat Naalakkersuisut eqqarsaatersuuteqarpat?

Siunersiuinermi malitseqartitsiviusumik apeqquteqarnissani ataatsimiititaliap naatsorsuutigaa.

Ataatsimiititaliap aamma Isumaginninnermut, Suliffeqarnermut, Nunamullu Namminermut Naalackersuisup akornanni siunersiuinermi sapinngisamik naalackersuinikkut pisunik oqaloqatigiinnertut iluseqarnissaa ataatsimiititaliamit anguniarneqarpoq – tassa pingaarnersiuinerit anguniakkallu pillugit. Oqaloqatigiinnerit sapinngisamik atuffasserpalaartuunnginnissaat kissaatigineqarpoq.

Naggataatigut siunersiuinermut qulaani allassimasutut apeqqutigineqartunut kalaallisut danskisullu allakkiamik tigusaqarnissani ataatsimiititaliap kissaatigaa. Allakkiaq qarasaasiakkut ataatsimiititaliap allattaanut mika@ina.alla.gl-mut siunersiuinerup kinguninngua nassuteqquneqarpoq. Allakkiaq nassarneqassappat siunersiuinermilu atorneqarluni siunersiuinerup aallartinnginnerani assilinera ataatsimiititaliap nutserisuanut tunniunneqassaaq.

Inussiarnersumik inuulluaqqusillunga

Mala Høy Kúko

Ataatsimiititaliap siulittaasua



Ilaqtariinnermut Peqqissutsimullu Ataatsimiititaliaq
Inatsisartut

22-05-2023
Sags nr. 2023-13675
Akt. id. 23013247

Postboks 970
3900 Nuuk
Tlf. (+299) 34 50 00
Fax (+299) 34 63 64
E-mail: isn@nanoq.gl
www.naalakkersuisut.gl

**Immikkoortoq UPA2023/125-mik ataatsimiititaliap suliaqarneranut atatillugu
sisamangornermi ulloq 25. maj 2023-mi ataatsimiinneq sioqqullugu Ilaqtariinnermut
Peqqissutsimullu Ataatsimiititaliamiit apeqqtunut nassiunneqartunut akissutit.**

Ilaqtariinnermut Peqqissutsimullu Ataatsimiititaliap Isumaginninnermut, Suliffeqarnermut Nunamullu Namminermut Naalakkersuisoq sisamangornermi ulloq 25. maj 2023-mi siunersioqatigiinnissamut aggersarpaa tassungalu atatillugu apeqqtutit tulliuttut akisassanngorlugit nassiullugit. Apeqqtutit ataani allaqqinneqarput, akissutaallu kingornatigut.

- 1. Naalakkersuisut utoqqaat pillugit periusissiaanni piviusunngortitsinerup ingerlanerani takuneqarsinnaavoq suliamut attuumassuteqartunut qanigisaasunullu puiguttorneq pillugu paasisitsiniaasoqarniartoq.
Naalakkersuisut paasisitsiniaanerinnarmik suliaqarniarpat? Innuttaasunut sammisunik suliniuteqarnissaq pillugu isumaliuutersuuteqarpa, soorlu inunnik ataasiakkaanik oqaloqateqarneq pillugu neqerooruteqarneq, siunnersuineq pillugu neqerooruteqarneq, oqaloqatigiinneq pillugu neqerooruteqarneq imaluunniit assingisaanik?**

Naalakkersuisut utoqqaat pillugit periusissiaanni pingaarnertut puiguttorneq annertunerusumik ukkatarineqarpoq. Naalakkersuisut kissaatigaat, suliaqartut ullut tamaasa innuttaasunik sullissisut suleqatigalugit puiguttorneq pillugu suliniut nukittorsarneqassasoq, taamaattumik taakkua isumaat siunnersuutaallu ingerlanerami pinngitsoorneqarsinnaanngillat suliniutillu pitsanngorsarnissaannut peqataassallutik.

Suliniut nr. 7, *Suliamut attuumassuteqartunut qanigisaasunullu puiguttorneq pillugu paasisitsiniaanermi* pineqarput innuttaasunut sammisunik suliniutit, aamma suliniutit puiguttornermut suliassa qarfimmil suleqatinut suliamik piginnaasaqarnerannik nukittorsaaussat. Taamaalilluni suliniut nr. 7 suliniutit arlallit ilagaat, utoqqaat ataqqinassusilimmik pitsaasumillu inuunegarnissaannik qulakkeerisoq.

Taamaattumik suliaq tunngavigalugu aaqqiissutissanik nassaarniarneq qulakkeerniarlugu, puiguttornermut suliassa qarfimmil maannakkut suliaqartunik oqaloqateqarnerit suliniummik suliaqarnermi ilaatinneqarput. Suliniut nr. 7 paasisitsiniaanerinnarmut tunngatinneqanngilaq, kisianni puiguttornermut suliassa qarfik ataatsimut isigalugu nukittorsaataasussanik qulaajaanermut aaqqiissutissanillu nassaarniarnermut siunertaqarluni. Paasisitsiniaaneq aallaavigineqarpoq, kisianni kommunini peqqinnissa qarfimmil suliamut



attuumassutilinnik oqaloqatigiinnermi, neqeroorutit suliniutillu allat pillugit isumaliuutit ilaatinneqarnissaat periarfissatut isigineqarpoq. Suliniutinik allanik piviusunngortitsinissamut aningaasaliissuteqaqqinnerit apequtaassapput. Neqeroorutit amerlanerit aningaasaliissuteqarfigineqassappata, isumaliuutit taakkua pillugit Naalakkersuisut ataatsimiititaliaq ilanngutikkumaarpat.

2. Piviusunngortitsinerup ingerlanerani killiffiup aappaani takuneqarsinnaavoq aamma inunntu puiguttortunut paaqqutarinnineq pillugu utoqqaat illuini sulisut ilinniartinneqassasut pikkorissaqqinneqarlutillu. Allani sulisunut, soorlu kommunip utoqqarnut immikkoortortaqaafiini, angerlarsimaffinni ikiortit qanigisaasullu eqqarsaatigalugit Naalakkersuisut qanoq isumaliuuteqarpat, tigussaasunik pilersaaruteqarpa imaluunniit eqimattanut taakkununga paasisitsiniaaneq kisiat Naalakkersuisut pilersaarutigaat?

Piviusunngortitsinerup ingerlanerup periusissiami nassuiarneqartoq inaarinerunngilaq, kisianni anguniakkat allaaserineqartut angunissaannut siunnersuutitut isigisariaqartoq. Taamaattumik suliniut nr. 7-imik suliaqarnermut atatillugu, piviusunngortitsinerup tunngatillugu suliaqarnerup suliaqartut attuumassutilit suleqatigalugit ineriartorteqqinneqassaaq. Naalakkersuisut siunnersuuteqarput, utoqqaat illuanni sulisut piginnaasaat nukittorsarnissaat aallaaviussasoq, puiguttorneq pillugu ilisimasat amigaateqarnerat pissutigalugu sulisunut iliuuseqarfiginissaa ajornakusoorsinnaasarmat aamma pissaanermik atuinermut pisariaqanngitsumik kinguneqarsinnaasarmat, kiisalu utoqqaat illuanni innuttaasut allat inuunerisa pitsaassusaannik sunniuteqarsinnaalluni.

Naalakkersuisut kissaatigaat, puiguttorneq pillugu suliaqartut tamarmik ilisimasaat annertunerulissasut. Taamaattumik naalakkersuisut itigartitserusunngillat kommunit immikkoortortaqaafiini allani tigussaasumik piginnaangorsarneq pillugu isumaliuuteqartoqassappat.

3. Utoqqaat pillugit periusissiami suliniutit assigiinngitsut pillugit kina ataqatigiissaarisuussava?

Isumaginninnermut, Suliffeqarnermut Nunamullu Namminermut Naalakkersuisoqarfiup utoqqaat pillugit periusissiaq suliaraa. Taamaattumik aallaaviatigut Naalakkersuisoqarfik suliniutit assigiinngitsut pillugit ataqatigiissaarisuussaaq. Taamaattoq oqartussaqaarfiit allat, kommunit peqqinnissaqaarfillu qanimut suleqatigitinnagit periusissiaq iluatsissinnaanngilaq. Taamaattumik suleqatit attuumassuteqartut peqatigalugit suliniutit aamma ataqatigiissarneqartariaqarput.



4. Nuna tamakkerlugu aamma/imaluunniit najukkami puiguttormut ataqatigiissarisut atorfinnik pilersitsinissaq pillugu Naalakkersuisut isumaliuteqarpat aamma/imaluunniit pilersaaruteqarpat?

Tamanna siunnersuutaavoq attuumassuteqartoq, utoqqaat pillugit periusissiamik suliaqarnermut atatillugu aamma oqaluuserineqartoq. Naalakkersuisut isumaqarput, ullut tamaasa innuttaasunik sullissisunik suleqateqarneq utoqqarnut suliaasaqarfimmik puiguttormillu suliniuteqarnermik nukittunerulersitsissasut. Nuna tamakkerlugu puiguttormik ataqatigiissarisut puiguttorneq pillugu ukkataqarnerulernissamut aaqiissutissat pitsaasut amerlasuut ilagisinnaavaat, kisianni Naalakkersuisut sulissutigerusuppaat puiguttorneq pillugu ataatsimoortumik ilusilimmik suliaqartoqassasoq, kommuninit peqqinnissaqarfimmillu tapersorsorneqarsinnaasumik. Taamaattumik utoqqaat pillugit periusissiamik piviusunngortitsinermut suliamik ingerlareersumut nuna tamakkerlugu puiguttormik ataqatigiissarisut pillugit isumaliuutit ilanngutitineqassapput.

Inussiarnersumik inuulluaqqusillunga

Jess Svane